



Koko le Sebokolodi

Winy Asara
Setswana





Koko le Sebokolodi e ne e le ditsala tse di ntshanang seinong. Mme fela ba ne ka metlha ba rata go tlhodisana. Ka letsatsi lengwe ba ile ba swetsa ka go tshameka kgwele ya maoto. Ba ne ba batla go bona gore ke mang setshameki se se tlhwalhwa.

Ba ile ba ya kwa lebaleng la kgwele ya maoto mme ba tshimolola go tshameka. Koko o ne a le lobelo, mme Sebokolodi ene o ne a le lobelo go gaisa. Koko o ile a ragela kgakala, fa Sebokolodi ena a ile a ragela kgakala le go feta. Koko o ile a tshimolola go sa itumele.





Ba ile ba swetsa go raga dipenele.
Sebokolodi o ne a nna
motshwaradino wa ntlha. Koko o
kgonne fela go nosa nno e le nngwe.
Jaanong e ne ya nna nako ya gore
Koko a sireletse dino.



Sebokolodi o ile a raga kgwele mme a nosa.


Sebokolodi o ile a raga ka leoto le le popota mme a nosa nno.

Sebokolodi o ile a betsa bolo ka tlhogo mme a nosa nno.

Sebokolodi o ile a nosa dino tse tlhano.

Phenyo ya ga Sebokolodi e ile ya kgopisa Koko thata. O ne a sa rate go latlhegelwa . Sebokolodi o ile a tshega ka Koko fa a ne a ngongoregela go sa fenye.





Setshego sa ga Sebokolodi se ile sa kgopisa Koko thata. Koko o ne a bula molomo wa gagwe mme a metsa Sebokolodi.

Mo tseleng fa a boela gae, Koko o ile a kopana le Mme Sebokolodi. 'A o kile wa bona Sebokolodi Koko?' ga botsa Mme Sebokolodi. mKoko ga a ka a araba.
Mme Sebokolodi o ne a tshwenyegile.





Mme Sebokolodi o ne a utlwa molodinyana wa lentswe. Lentswenyana le le ne le lela le re “mme ke kopa thuso!” Mme Sebokolodi o ne a reetsa ka tlhoafalo, a lebelela gotlhe. Lentswe le, le ne le tswa mo maleng a ga Koko.



“Dirisa maatla a gago a a
kgethegileng ngwanake!” Dibokolodi
di itsege ka go dira monkgo o o
botlhoko le tatso e e bosula. Koko o
ile a tshimolola go lwala.

Koko o ile a botla, a metsa mme a tlhatsa. Gape a ethimola le go gotlhola. A tswelela go gotlhola. Sebokolodi o ne a ferosa dibete.



Koko o ile a gotlhola go fitlhela a tlhatsa sebokolodi. Mme Sebokolodi le morwa wa gagwe ba ile ba tshabela mo godimo ga setlhare.



Go tloga ka nako eo, dikoko le
dibokolodi ba se tihole ba utlwana.



Koko le Sebokolodi

Writer: Winny Asara

Illustration: Magriet Brink

Translated By: Lorato Trok

Language: Setswana



This story was written by a student teacher at Arua PTC in Uganda.

© African Storybook Initiative, 2015



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.